

M'CHICHEWA

ششيو

ششيو



من القرآن الكريم

ويليه

أحكامهم المسلم

[www.tafseer.info](http://www.tafseer.info)

MALAMULO OFUNIKIRA KWA MSILAMU LOTANTHAUZIDWA M'CHICHEWA



MALAMULO  
OFUNIKIRA KWA  
MSILAMU

LOTANTHAUZIDWA  
M'CHICHEWA

[www.tafseer.info](http://www.tafseer.info)

Matamando onse ndi a Allah, madalitso ndi mtendere zikhale pa Bwana wathu, Mneneri wathu komanso Wokondedwa wathu Mtumiki wa Allah. Pambuyo pa izi:

**Zindikira iwe m'bale ndi mlongo wanga wa Chisilamu–Allah akuchitireni chifundo – kuti ndithu zikukakamizidwa pa ife kuphunzira mfundo zinayizi:**

**1 Yoyamba - Maphunziro:** Uku ndiko kumuzindikira Allah Subhaanahu Wata' aalaa komanso Mneneri Wake (SAW) ndinso kuzindikira chipembedzo cha Chisilamu chifukwa n'kosaloledwa kupembedza Allah popanda maphunziro. Tero amene angachite zimenezo ndiye kuti mapeto ake ndi chisokeretso komanso wafanana ndi Akhristu mu zimenezo.

**2 Yachiwiri – Kugwira ntchito:** Ndipo amene wazindikira napanda kugwira ntchito, ndiye kuti wafanana ndi Ayuda, chifukwa choti iwowo adazindikira ndipo sadagwire ntchito. Zina mwa zinyego za satana, ndiye kuti, ndithudi amafooketsa ndi kusiya maphunziro pomupatsa munthu ziyangoyango m'mutu mwake kuti ndithu iyeyu akatero akhale ali nacho chowiringula kwa Allah mu umbuli wake. Ndipo iye sakudziwa kuti ndithu amene kwamuthekera kupeza mwayi wophunzira ndipo sadachite, ndiye kuti chowiringula chapezeka pa iye. Awa ndi mapulani a anthu a Noah (AS) ﴿جَعَلُوا أَصْنِعَهُمْ فِي آدَانِهِمْ وَأَسْتَعْمَلُوا نِيَابِهِمْ﴾ Amaika zala zawo m'makutu mwawo komanso amadzifunditsa nsalu zawo Ndicholinga chakuti pasadzapezeke pa iwo umboni woti uthenga udawafikira.

**3 Yachitatu - Kuitanira ku maphunzirowo:** Ichi n'chifukwa chakuti anthu ozindikira komanso ofalitsa, iwowo ndi alowam' malo a aneneri. Ndipo ndithu Allah Subhaanahu Wata'aalaa watemberera ana a Israeli chifukwa choti adali asakuletsana ku zoipa zimene azichita, ndithudi n'zoipa ﴿كَانُوا لَا يَتَنَاهَوْنَ عَنْ مُنْكَرٍ فَعَلُوهُ﴾ iwowo zedi zimene iwo adali kuzichita. Ndipo kuchita da'awa ndi kuphunzitsa ndi fardh kifaayat, ngati ataimirira kuchita izi amene angakwanitse, ndiye kuti palibe ndi m'modzi yemwe angapeze machismo ndipo ngati onse ataleka nazisiya, ndiye kuti onsewo apeza machimo.

**4 Yachinayi -Kupirira pa masautso:** Kukhalepo pophunzira maphunziro ndipowagwiritsa ntchito komanso poitanira ku maphunzirowo.

Ndipo potenga nawo mbali kochokera kwa ife pochotsa umbuli, ndikufewetsera pofunafuna maphunziro, tasonkhanitsa mu buku lachidule ili zina mwa zomwe zingapezeke nalo kukwaniritsa mu maphunziro a Shariat limodzi ndi majuzu atatu omaliza a Qur'aan Yolemekezeka ndi ndemanga zake chifukwa chochuluka kubwerezabwerezwa kwake ndipo (Zomwe sizingapezeke zonse, sizisiidwa zambiri zake).

Ndipo ife tachita khama mu zimenezi zonsezi pochita chidule ndi zomwe zatsimikizika zochokera kwa Mneneri (SAW). Ndipo ife sitikudzigunda pa mtima kuti ndithudi tafikira kukwanirira, popeza kutero ndi zinthu zomwe wadzisankhira Allah Subhaanahu Wata'aalaa kwa Iye Mwini, koma ili ndi khama la munthu wochepekedwa. Ngati zili zolondola, ndiye kuti zachokera kwa Allah koma zikakhala zolakwika, ndiye kuti zachokera kwa ife tokha ndi satana, koteru Allah ndi Mtumiki Wake (SAW) atalikirana ndi zimenezo. Ndipo Allah amuchitire chifundo munthu aliyense yemwe wapereka mphatso kwa ife ya zolakwika zathu kudzera mu kudzudzula kwa cholinga komwe kuli komanga. Tikumupempha Allah kuti alipire aliyense amene watenga nawo mbali polikonza bukuli, kulisindikiza, kuligawa, kuliwerega ndi kuliphunzitsa. Malipiro abwino ndikuti alandire zimenezo kuchokera kwa iwo komanso awachulukitsire iwowo malipiro ndi zopatsidwa.

**Ndipo Allah ndi amene ali Wozindikiritsitsa, ndipo madalitso ndi mtendere zikhale pa Bwana wathu komanso Mneneri wathu Muhammad, komanso a kubanja lake ndi ophunzira ake onse.**

★ **Imaam (Bukhaar) (RA) ananena kuti:** "Sindinajedepo aliyense ngakhale pang'ono kuyambira pamene ndidadziwa kuti kuteroko ndi Haraam.Ine ndikulakalaka kuti ndikakumane ndi Allah ndipo asakandipatse ine mulandu woti ndinamujedako wina wake".

★ Mu Hadith mwadza mau onena kuti: "*Amene angawerenge Ayatulkurs; kumapeto kwa Swalaat iliyonse sichingamtsekereze chilichonse kukalowa ku Jannah pokhapokha atamwalira*"

★ **Shaikh Ibnul Qayyim (RA) anati:** "Anandipeza mau ochokera kwa Shaikhul Islam kuti iye anati: "Sindinaisyepo Ayatulkursiyo kumapeto kwa Swalaat iliyonse pokhapokha moiwala kapena ndi zina zotero".

Ndipo pambuyo popeza Ilm ndikuigwiritsira ntchito pamayenereka kuitanira pa mtendere umene Allah wampatsa iyeyo ndikutinso usadzimane malipiro ngakhalenso wina wake. Mneneri (SAW) ananena kuti: "*Amene walozera chinthu chabwino ndiye kuti nayenso adzapeza malipiro onga a amene wachita chinthucho*" (Muslim). Ananenanso kuti: "*Wopambana mwa inu ndi amene waphunzira Qur'an, naiphunzitsa*" ((Bukhaar)), Mtumiki (SAW) anatinso: "*Perekani uthenga wochokera kwa ine ngakhale Ayah imodzi.*" ((Bukhaar), Muslim). Ndipo pachifukwa cha kufalitsa kwako zabwino akuchulukira ndi kukulira malipiro , ndipo zabwino zako zikhala zikupitirira pamene uli moyo komanso pambuyo pa imfa. Mneneri (SAW) anati: "*Munthu akamwalira ntchito zake zopezera sawabu zimaima kupatula zitatu: sadaka yopitirira, monga kumanga mzikiti, kukumba chitsime ndi zina zotero kapena Ilm yomwe ikuwapindulira anthu, monga kuphunzitsa Ilm, kulemba zitabu ndi zina zotero, kapena mwana wabwino, wochita za Deen, yemwe angam' chitire Du'aa iye*" (Muslim).

## KUUNIKIRA

Timawerenga Surah Alfaatihah kambirimbiri kopitirira khumi kasanu nkawiri pa tsiku lililonse, m'menemo timadzitchinjiriza za anthu omwe anakwiyiridwa ndi Allah komanso za osokera, kenako timafanana nawo pa zochita zawo timasiya kuphunzira Ilm kuti tigwire ntchito mwa umbuli, motero timafanana ndi Akhristu osokera, kapena timaphunzira koma osazigwiritsa ntchito , choncho timafanana ndi Ayuda amene anakwiyiridwa.

Tikumpempha Allah kuti atipatse ife komanso iwe Ilm ya phindu ndi mphamvu yogwirira ntchito yabwino.

Allah ndi Mtumiki Wake ndi amene akuzindikira bwino lomwe, ndipo Allah apereke madalitso ndi mtendere Kwa Bwana Wathu, wokondedwa wathu Muhammad (SAW), akubanja lake komanso kwa Maswahaaba ake onse.